


Indice di Percepcion di Negoshi a baha durante e promer trimester di 2026.

Comunicado di prensa¹

Banco Central di Aruba (BCA) a conclui e encuesta di percepcion di negoshi pa e promer trimester di 2026. E encuesta di percepcion di negoshi ta evalua e percepcion economico di e negoshinan local.

E asina yama 'Business Perception Index, cu ta consisti di e indicenan di condicion economico a corto plaso y condicion economico actual, a baha cu 3,7 punto di indice te na 104,3 den e promer trimester di 2026 (mira Grafico 1)².

Grafico 1: 'Business Perception Index'.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan

E indice di condicion economico a corto plaso y e indice di condicion economico actual a baha cu 5,6 y 1,9 punto di indice te na 102,4 y 106,0, respectivamente, den e promer trimester di 2026 (mira Grafico 2).


Grafico 2: Resultado di Condicion Economico actual y Condicion Economico a corto plaso durante e promer trimester di 2026.



Fuente: Banco Central di Aruba

E porcentahe di negoshi encuesta cu ta anticipa un crecimiento economico negativo den e siguiente 12 lunanan a subi cu 11,8 punto di porcentahe te na 14,3%. Mientrastanto, e porcentahe di negoshi encuesta cu ta anticipa un crecimiento economico positivo den e siguiente 12 lunanan a baha cu 9,6 punto di porcentahe te na 42,9%, durante e promer trimester di 2026 (mira Grafico 3).

Grafico 3: Expectativa di crecimiento economico den e siguiente 12 luna.



Fuente: Banco Central di Aruba



Durante e promer trimester di 2026, e porcentahe di negoshi encuesta indicando "crecimiento" den empleo a subi cu 9,0 punto di porcentahe te na 51,5%. E porcentahe di negoshi encuesta cu a raporta un "ganashi" a subi cu 1,0 punto di porcentahe te na 91,0% den e promer trimester di 2026. E porcentahe di negoshi encuesta indicando "mehoracion" den e condicion economico actual di inversion a crece cu 4,4 punto di porcentahe te na 39,4% den e promer trimester di 2026. Encuanto condicion economico a largo plaso pa e siguiente 12 lunanan, 37,1% ta anticipa cu e tasa di inflacion lo ta mas cu 3%.

E relato completo di e encuesta di percepcion di negoshi ta disponibel ariba website di BCA www.cbaruba.org

Banco Central di Aruba

19 juni 2026



Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di e comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solididad y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta vigila e uzo di esaki.

Pa mas informacion tocante Banco Central di Aruba, por bishita su website www.cbaruba.org
